

Broj: 377/20  
Sarajevo, 27.03.2020. godine

Na temelju člana 31. Zakona o turizmu Kantona Sarajevo („Službene novine KS“, broj 19/16,31/17 i 34/17), člana 30. Statuta Turističke zajednice Kantona Sarajevo („Službene novine KS“, broj 32/17), člana 17. Zakona o igrama na sreću („Službene novine FBiH“, broj 48/15 i 60/15), predsjednica Turističke zajednice Kantona Sarajevo donosi:

### **ODLUKU o nagradnoj igri**

#### **„Najbolji pogled na Kanton Sarajevo kroz prozor – ostani u kući, budi uzor“**

##### **Član 1.**

Donosi se odluka o organizovanju nagradne igre „Najbolji pogled na Kanton Sarajevo kroz prozor – ostani u kući, budi uzor“.

Nagradna igra se organizuje s ciljem promovisanja turističke usluge u Kantonu Sarajevo i Turističke zajednice Kantona Sarajevo.

##### **Član 2.**

Nagradna igra počinje dana 27.03.2020. godine, organizovana je u sedmičnim ciklusima, i može da traje dok nadležni organi ne donesu odluku o prestanku mjere zabrana kretanja, odnosno izolacije, a koja je izrečena kao posljedica donijete Odluke o proglašenju stanja nesreće uzrokovane pojavom corona virusa (COVID 19) na području Federacije Bosne i Hercegovine.

Pravila nagradne igre objavit će se na Instagram profilu Turističke zajednice Kantona Sarajevo, sa sljedećim sadržajem: „Dragi naši Instagram pratitelji, pošaljite nam fotografiju pogleda na Sarajevo snimljenu sa Vašeg prozora mobilnim telefonom i osvojite lijepu nagradu! Fotografija mora da sadrži podatak koji dio Kantona Sarajevo je fotografisan, ime i prezime pošiljaoca, adresu, kontakt telefon, te hashtag #visitsarajevo i hastagove #ostaniukuci i #budizauzor.“

##### **Član 3.**

Područje organizacije i provođenja nagradne igre je Kanton Sarajevo.

##### **Član 4.**

Pravo učešća imaju sva lica koja su se zatekla na području Kantona Sarajevo za vrijeme proglašenja stanja nesreće. Pravo učešća u nagradnoj igri nemaju zaposlenici Turističke zajednice Kantona Sarajevo, kao ni članovi njihove uže porodice (bračni drug i djeca). Dobitnici nagradne igre dužni su da dostave sve potrebne informacije kako bi se nagradna igra realizovala u skladu sa ovom odlukom.

##### **Član 5.**

Predmet nagradne igre je foto-zabava slikanjem dijelova naselja koja čine Kanton Sarajevo sa prozora učesnika dok traje mjere zabrane kretanja ili izolacije. Nagrađuju se isključivo fotografije dijelova Kantona Sarajevo, fotografisano sa prozora učesnika.

### Član 6.

Učesnici u nagradnoj igri će biti pozvani da šalju privatnom porukom fotografije u inbox Turističke zajednice Kantona Sarajevo od ponedjeljka do petka u 12h, dok će se petkom u terminu od 14h do 16h objaviti fotografije na Instagram profilu Turističke zajednice Kantona Sarajevo sa pozivom pratiocima i korisnicima Instagram profila da lajkaju fotografiju za koju smatraju da je najbolja do nedjelje do 23:59h.

Fotografija koja bude imale najveći broj lajkova i tagovanje dobitnika bit će ponedjeljkom u 12h.

Nagrada koju učesnici mogu osvojiti su peškir, kabanica, rokovnik, olovke, magneti, brošure, odnosno materijal u vlasništvu Turističke zajednice kantona Sarajevo, koji je nabavljen sukladno Zakonu o javnim nabavkama BiH.

Prilikom poziva potencijalnim učesnicima da dostave svoje fotografije, navest će se nagrada koju mogu ostvariti za sedmicu u kojoj šalju fotografiju.

Jedan učesnik može poslati najviše tri fotografije, koje nisu iste ili slične.

### Član 7.

Predsjednik Turističke zajednice Kantona Sarajevo će sa objavom nagradne igre na Instagram profilu Turističke zajednice Kantona Sarajevo zadužiti osobu da vrši pohranu dostavljenih fotografija u jedan folder, u kojem će biti razvrstane fotografije po datumu dostavljanja uz naznaku pošiljaoca.

Nakon isteka vremena do kojeg su učesnici mogli slati svoje fotografije, osoba iz prethodnog stava ovog člana će dostaviti mailom folder sa sedmičnim fotografijama članovima Komisije, sastavljen od tri člana, koja će napraviti selekciju dostavljenih fotografija po slobodnom izboru, tako da konačan broj fotografija za koje će se glasati iznosi 3 (tri), a koje će zatim biti objavljenje na Instagram profilu Turističke zajednice Kantona sa pozivom svim pratiocima i korisnicima Instagram aplikacije da lajkaju najbolju fotografiju.

Ukoliko nije dostavljen dovoljan broj fotografija na temelju kojih je moguće napraviti selekciju od 3 (tri) fotografija, bit će objavljenje sve dostavljenje fotografije za tu sedmicu.

Za osobu iz stava 1. ovog člana imenuje se: Haris Stambolić.

Za članove Komisije iz stava 2. ovog člana imenuju se:

1. Adisa Kušundžija, predsjednik Komisije
2. Haris Stambolić, član Komisije
3. Emina Ligata, član Komisije

### Član 8.

Dobitnici u ovoj nagradnoj igri biti će obaviješteni privatnom porukom putem zvaničnog Instagram profila Turističke zajednice Kantona Sarajevo da dostave lične podatke potrebne za slanje nagrade – ime i prezime, adresu i kontakt telefon uz istovremeno

Tom prilikom su dužni verificirati/prihvati status dobitnika i dati saglasnost za njihovo tagovanje na Instagram profilu Turističke zajednice Kantona Sarajevo. U suprotnom, gubi se pravo na dodjelu nagrade. Sve nagrade koje eventualno ne budu dodijeljene, zadržava

Organizator za svoje svrhe. Organizator se obavezuje da će svim dobitnicima uručiti nagrade najkasnije 30 dana od objavljivanja dobitnika.

Turistička zajednica Kantona Sarajevo stiče autorsko pravo nad dostavljenim fotografijama.

#### Član 9.

O načinu dostavljanja nagradne igre dobitnici nagrade bit će obavješteni telefonom.

Nije dozvoljena nikakva zamjena nagrade njenom vrijednošću u novcu.

#### Član 10.

Predsjednik Turističke zajednice Kantona Sarajevo ima pravo da jednostrano otkaže nagradnu igru u bilo kojoj fazi, uz obavještenje, ukoliko bi došlo do materijalne povrede ili zloupotrebe pravila ili događaja koji imaju karakter više sile. Ukoliko nastane neka od navedenih okolnosti, izvlačenje i distribucija nagrada biće odmah obustavljeni jednostranom odlukom organizatora, nezavisno od potrebe za njenim eventualnim objavljivanjem. Organizator ne snosi nikakvu odgovornost u slučaju prekida nagradne igre iz navedenih razloga.

#### Član 11.

Organizator nagradne igre, koji je voditelj baze ličnih podataka, neće otkriti ili ustupiti podatke trećim osobama. Dobitnici nagradne dostavljanjem traženih podataka izričito su saglasni da Organizator može koristiti njihovo ime i adresu (navodeći samo opštinu Kantona Sarajevo u kojoj se nalazi učesnik) u svrhu javnog obavještenja o rezultatima nagradne igre na Instagram profilu Turističke zajednice Kantona Sarajevo.

#### Član 12.

U slučaju spora između Organizatora i učesnika ove nagradne igre nadležan je Opštinski sud u Sarajevu.

#### Član 13.

Ova Odluka stupa na snagu danom donošenja.

Dostaviti:  
1. predmet

